

Þetta er yður til vitundar gefið til leiðbeiningar viðkomendum og **117**
birtingar í B-deild Stjórnartíðindanna. 12. sept.

Brjef landshöfðingja til amtmannsins yfir Norðuramtinu og Austur- 118
amtinu um sparisjóðshlunnindi. Með brjefi þessu voru »sparisjóðnum á 21. sept.
Akureyri« endurveitt sparisjóðshlunnindi um 5 ár með venjulegum kjörum frá 1.
janúar 1901 að telja.

Brjef landshöfðingja til amtmannsins yfir Suðuramtinu og Vestur- 119
amtinu um flutning þingstaðar. Samkvæmt tillögum yðar, herra amtmað- 28. sept.
ur, í brjefi, dagsettu 25. þ. m., meðmælum hlutaðeigandi sýslumanns og beiðni
hreppsnefndarinnar í Mýrahreppi í Skaptafellssýslu, vil jeg hjer með veita sam-
þykki mitt til þess að þingstaður umgetins hrepps sje fluttur frá Hömrum að
Brunnhóli, þó með því skilyrði, að hreppsnefndin annist um, að til verði hæfi-
legt hús til þinghalda á hinum nýja þingstað.

Þetta er yður til vitundar gefið til leiðbeiningar og frekari birtingar.

Brjef landshöfðingja til amtmannsins yfir Suðuramtinu og Vestur- 120
amtinu um afgreiðslugjald af skipi. Þjer hafði, herra amtmaður, í brjefi 20. okt
yðar, dagsettu 27. f. m., látið álit yðar uppi um erindi frá Einari umboðsmanni
Markússyni, þar sem hann spyrst fyrir um það, hvort greiða skuli afgreiðslugjald
af skipi, sem keypt hafði verið fyrir hann í Englandi í vetur, sem leið, og hafði
með sjer, um leið og það var flutt hingað til lands, 30 tons af salti, er nota átti
handa skipinu við fiskiveiðar þess hjer við land í sumar, og, ef greiða skuli af-
greiðslugjald af skipinu, hve hátt það skuli vera. Skipið var í ferð þeirri, er um
er að ræða, flutt til Ólafsvíkur af dönskum mönnum, er fóru þar af skipinu, en
á það fóru þá aptur innlendir menn til fiskiveiða hjer við land. Hafði þjer lát-
ið þá skoðun yðar í ljós, að það geti ekki verið neinum vafa undirorpið, að skip
þetta eigi í því tilliti, sem hjer er um að ræða, að meðhöndlust eptir lögum 2.
febr. 1894, um aukatekjur þær, sem renna í landssjóð, 56. gr. 1. kafla, og að
greiða eigi af því sem afgreiðslugjald 25 aura af hverri smálest af rúmfangi
skipsins, þar sem skipið hefði haft salt meðferðis hingað til landsins, sem nota
átti og notað hefði verið til fiskiveiða hjer, hvort sem það hafi verið látið sitja
í skipinu eða verið flutt í land.

Útaf þessu skal yður til vitundar gefið til leiðbeiningar og frekari birt-
ingar, að jeg er yður samdóma um það, að afgreiðslugjald beri að greiða af
skipinu, 25 aura af hverri smálest, samkvæmt hinu tilvitnaða lagaákvæði, svo

120 framarlega, sem nokkuð af saltinu hefur verið flutt í land, er skipið kom til 20. okt Olafsvíkur í apríl síðastliðnum, en að öðrum kosti eigi það að vera laust við slíkt gjald.

Brjef landshöfðingja til amtmannsins yfir Norduramtinu og Austur-

121 *amtinu um niðurjöfnun gjalds til amtssjóða og sýslusjóða.* Í brjefi, 22. okt. dagsettu 19 ágúst þ. á., hafið þjer, herra amtmaður, látið uppi álit yðar um fyrirspurn frá hreppsnefndinni í Aðaldælahreppi um það, hvernig jafna skuli á hreppsþúa gjaldi hreppsins til sýslusjóðs og amtsjafnaðarsjóðs. Hafið þjer tekið það fram, að í sveitarstjórnartilskipuninni 4 maí 1872, 40. gr., sje svo kveðið á um, að því, sem hverjum hreppi beri að gjalda til sýslusjóðsins, skuli jafna niður á hreppsþúa eptir hinum sömu reglum, sem gilda um önnur útgjöld hreppsins, en samkvæmt 19. gr. sömu tilskipunar og lögum 9. jan. 1880, 1. gr., eigi að jafna gjöldum hreppsins niður á alla þá, sem eiga lögheimili í hreppnum, («eptir efnum og ástandi»). — Á þessu teljið þjer lögin frá 4 júní 1898, um breyting á gjaldheimtum til amtssjóða og sýslusjóða, eigi hafa gjört neina breyting, og þar sem í síðastnefndum lögum sje talað um, að gjöldunum skuli skipt á hreppsfjölögin eptir samanlagðri tölu lausafjár- og fasteignarhundraða að tveim þriðjungum og eptir tölu verkfærra manna að einum þriðjungi, þá hafi það engin áhrif á niðurjöfnun gjaldanna á menn í hreppnum. Fyrir því teljið þjer engan efa á því, að gjöldum til amtssjóða og sýslusjóða beri að jafna niður á menn í hreppnum, eins og gjöldum til hreppsins, eptir efnum og ástæðum.

Útaf þessu skal yður til vitundar gefið til leiðbeiningar og frekari birtingar, að jeg er með öllu samdóma álitit yðar um þetta atriði.

122

Reikningur

yfir tekjur og gjöld Thorkelliibarnaskólasjóðs 1899.

Tekjur:

1. Eptirstöðvar við árslok 1898:

a. Innstæðuskirteini, Litr. A. Fol. 87	kr.	28500	00	
b. Skuldabjref	—	39454	74	
c. Í landsbankanum	—	601	44	
d. Í peningum	—	40	58	kr. 68596 76

2. Vextir:

a. Af innritunarskirteini Litr. A. Fol. 87, frá				
11/12 '98 til 11/12 '99	kr.	997	50	
	Flyt: kr.	997	50	kr. 68596 76